



句解拾遺考證 二

服部文庫
117
788
2



弇州七絕解一葉

弇州七絕解考證上

潛水 宇惠子由考

計偕漢書語 武帝紀徵吏民有明當世

之務習先聖之術者縣次續食令與計

偕師古曰計者上計簿使也郡國每歲

遣詣京師上之偕者俱也令所徵之人

與上計者俱來而縣次給之食後世訛

誤因承此語遂總謂上計為計偕

邑司年入戶費考證

三

一

117788(2)

陽關送別聲 王維送元二使安西詩渭

城朝雨泥輕塵客舍青青柳色新勸君

更盡一杯酒西出陽關無故六 大明

一統志陝西行都指揮使司云陽關在

廢壽昌縣西六里

杜恨別鳥驚心意 杜甫春望詩感時花

濺淚恨別鳥驚心

子相明卿 共見前考七絕上

○十絕 此節九首

秦青事 列子秦青撫節悲歌聲振林木

響遏行雲

陽關 見前

幽州 北京 大明一統志京師順天府

建置沿革云禹貢冀州之域高陽氏謂

之幽陵陶唐曰幽都虞為幽州

○溥沱 大明一統志保定府深澤縣云

溇沱河在縣東南即光武渡處名危渡
口今流絕有故道存

點睛 顧虎頭事見前

西風 李鷹 尊 見蒙求張翰適意註

○雪山來 見前考七絕下雪山下

日觀峰 見前考七絕下吳觀峰下

天門 漢官儀泰山東上七十里至天門

金光草 仙藥 潛確類書艸部云廣異

記謝元卿至東岳夫人所居有異艸葉

如芭蕉花正黃色光可以鑑曰此金光

草也食之化形壽與天齊

維揚 大明一統志揚州府云禹貢揚州

之城本朝壬寅年改維揚府丙午年復

為揚州府 尚書淮海維揚州 杜甫

詩淮海維揚一俊人

素魄 月 歐陽詹翫月詩素魄皎孤凝

芳輝紛四揚 素魄含波只是波含月

色

欲似霜 此句言公歸路值此景不勝淒

然

翻傳 子相尚在北京而不得還却見公

廣陵之作故曰翻

廣陵散 嵇康琴曲 世說嵇中散臨刑

東市神氣不變索琴彈之奏廣陵散曲

終曰袁孝尼嘗請學此散吾靳固不與

廣陵散於今絕矣

意茫茫 言當茫然自失也

○抗疏 杜甫詩匡衡抗疏功名薄

煙霞 世說補田游巖頻召不出高宗幸

嵩山親至其門游巖野服出拜儀止謹

樸帝問先生比佳否游巖對曰臣所謂

泉石膏肓煙霞痼疾

餘酒

史記高祖常從玉媼武負貫酒索

隱曰廣雅云貫餘也杜甫詩銀壺酒

易餘又鄰人有美酒稚子也能餘

我數漁舟問苔雪

按此句暗含張志和

事世說補顏真卿為湖州刺史張志和

來謁真卿以其舟敝漏請更之志和曰

願為浮家泛宅往來苔雪間輿地志曰

苔溪一源自天目一源自獨松嶺合滄

玉山水至吳興入于太湖雪溪者以其

合苔溪前溪餘不溪北流四水為一溪

故曰雪也又云四水激射雪然有聲謂

之雪溪

碧桃花

松江府志桃花千葉而大紅者

名絳桃深紅者緋桃白者碧桃郎士

元聽隣家吹笙詩鳳吹聲如隔彩霞不

知墻外是誰家重門深鎖無尋處惟有

碧桃千樹花 許渾詩可憐緱嶺登仙
子猶自吹笙醉碧桃

羅浮 廣東名勝志惠州府博羅縣云羅

浮山在縣西北五十里跨增城縣界又
宋鄒師正羅浮指掌圖山高三千六百
丈袤直五百里峰巒四百三十二嶺十
五石室七十二瀑布九百八十有大小
石樓相去五里皆高出雲表重簷四柱

如樓登之可望滄海夜半見日初出樓
前石門方廣可容几席

漳水 謝邑 河南名勝志彰德府安陽

縣云漳河其源有二一出山西潞州之
長子縣名濁漳自林縣西北入境一出
平定州之樂平縣名清漳自涉縣西入
境俱東至林慮山下合流洹水屢伏屢
見入于衛河 按史記蘇秦說趙王曰

趙西有常山南有河漳茂秦齊人游趙故云

裘馬倦游 共見前考七絕上

梁公實 梁有譽字公實廣東廣州府順

德人秀穎日誦數千言長益湛思百氏

以進士授刑部主事李攀龍輩結社為

聲詩有譽業先成家卒年三十六所著

有蘭汀存稿

○褰裳 毛詩子惠思我褰裳涉溱

艾蕭 大有騷思 離騷蘭芷變而不芳

兮荃蕙化而為茅何昔日之芳草兮今

直為此蕭艾也

縞帶 出左傳 十二國風論欲盡 季

子故事 左傳吳公子札來聘請觀於周

樂使工為之歌周南召南曰美哉始基

之矣猶未也然勤而不怨矣為之歌邶

鄘衛曰美哉淵乎憂而不困者也吾聞
衛康叔武公之德如是是其衛風乎爲
之歌王曰美哉思而不懼其周之東乎
爲之歌鄭曰美哉其細已甚民弗堪也
是其先亡乎爲之歌齊曰美哉泱泱乎
大風也哉表東海者其大公乎國未可
量也爲之歌豳曰美哉蕩乎樂而不淫
其周公之東乎爲之歌秦曰此之謂夏

聲夫能夏則大大之至也其周之舊乎
爲之歌魏曰美哉漚漚乎大而婉險而
易行以德輔此則明主也爲之歌唐曰
思深哉其有陶唐氏之遺民乎不然何
憂之遠也非令德之後誰能若是爲之
歌陳曰國無主其能久乎自鄘以下無
譏焉云云聃於鄭見子產如舊相識與
之縞帶子產獻紵衣焉 第三句借季

札事而言已與于鱗輩論文無餘蘊

大帆明月滿姑蘓言得五子麗澤之力

光昭斯文持此而歸如明月之滿耳

天門山名采石即太平著錦袍

明月下謫仙才李白詩天門中斷楚

江開南直隸名勝志太平府當塗縣

云寰宇記云天門山在縣西南三十里

有二山夾大江東曰博望西曰天門

又江源記云商旅于牛渚北磯取石至

都輸造窳堵因名采石唐李白嘗乘舟

與崔宗之自采石之金陵著宮錦袍坐

舟中兩岸觀者如堵宋祁唐書李白

至長安往見賀知章知章見其文歎曰

子謫仙人也開字照門字

古熟即太平府晉時姑熟南直隸名

勝志云太平府在南京西南一百五十

里本名姑熟治在三江之濱

接秦關對岸即苻秦界 晉書苻堅字

永固苻生嗣偽位殘虐無度堅遂弑生

即位僭稱大秦天王東平六州 關字

關塞意

飲馬用匈奴字面 漢書息夫躬曰匈

奴飲馬於渭水邊竟雷動 水經注始

皇二十四年使太子扶蘇與蒙恬築長

城起自臨洮至于碣石東暨遼海西並

陰山八萬餘里今其下往往有泉窟可

飲馬問之皆秦築城卒取水處也 賈

誼過秦論乃使蒙恬築長城而守藩籬

却匈奴七百餘里胡人不敢南下而牧

馬 文選有陸機飲馬長城窟行 按

夷苻秦故用飲馬字

插羽檄也 漢書上曰吾以羽檄徵天

絕句解合遺考卷

下兵未有至者顏師古曰檄者以木簡
為書長尺二寸用徵召也其有急事則
加以鳥羽插之示速疾也魏武奏事云
今邊有警輒露檄插羽

龍山在太平府大明一統志太平府
云龍山在府城南一十里舊經載孟嘉
落帽事按龍山當在江陵而郡志云桓
溫嘗以重九日與僚佐登此疑必溫移

鎮姑孰時事也

孟嘉龍山中原有事時見蒙求孟嘉落

帽註按孟嘉是桓溫幕賓顧亦府中

屬官故以相比

桐柏淮源尚書導淮自桐柏

嚴維丹陽郭裏送行舟詩嚴維丹陽送

韋參軍詩丹陽郭裏送行舟一別心知

兩地秋日晚江南望江北寒鴉飛盡水

色可尋合意登

絕句解

悠悠

○疊鼓 壘小擊也岑參詩鳴笳疊鼓擁

回軍

○大江 南直隸名勝志太平府當塗縣

云大江在城西南二十五里自天門山

灑為夾河曰大信口下達采石入金陵

宋徐俯詩便風擊鼓太平州斜日落帆

大信口

別駕判官 潛確類書別駕從事史一

人從刺史行部別乘傳車故謂之別駕

漢制也歷代皆有隋及唐並為郡官國

朝通判即別駕稱曰郡倅亦曰端寮又

有同知稱郡丞推官稱郡理亦曰司李

南豫州 太平 名勝志太平府秦屬鄣

郡漢屬丹陽郡唐之南豫州宋平南軍

也

絕句解

三

十一

系合解抄遺考記

○四郭春驕羅綺色 言其風土富饒

仙客 仙當作遷

陵歆 臺在太平 黃山 陵歆宋武宿

妓處 名勝志當塗縣云黃山在縣西北

五里上有劉宋凌歆臺週廻五里一百

步高四十丈石碑見存唐許渾詩宋祖

凌歆樂未回三千歌舞宿層臺 杜牧

詩勢比凌歆宋武臺

張有功 張相居正子 張居正字叔大

江陵人十五為諸生嘉靖二十六年成

進士改庶吉士授編修遷右中允領國

子司業事遷侍裕邸講讀遷右諭德兼

侍讀進侍講學士領院事遷禮部右侍

郎兼翰林院學士為吏部左侍郎兼東

閣大學士尋充世宗實錄總裁進禮部

尚書兼武英殿大學士加少保兼太子

絕句解合遺考記

三

十一

太保去學士五品，僅歲餘，後代高拱為首輔。

李白在揚州 宋祁唐書李白傳，永王璘辟為府僚佐，璘起兵，逃還彭澤，璘敗，當誅。初，白游并州，見郭子儀，奇之。子儀嘗犯法，白為救免。至是，子儀請解官以贖，有詔長流夜郎。會赦，還尋陽。按尋陽在揚州。

唐陵散 見前

長沙 賈誼也 見蒙求賈誼忌鵬註

唐昌 觀在揚州 南直隸名勝志揚州

府江都縣云誠齋雜記云瓊花觀在州東新城內唐詩紀事揚州唐昌觀玉蕊花開時有仙人來遊宋類苑云揚州后土廟瓊花一株即李衛公所詠玉蕊花也康駢劇談錄謂花開時輒有女子遊

系在角才選

其下故劉禹錫詩云玉女來看玉樹花
異香先引七香車攀枝弄雪時回首驚
恠人閒日未斜

問帖 杜牧事 芝田錄牛奇章公帥淮

陽杜牧在幕中夜微服逸遊後牧以拾
遺名公以縱逸為戒牧始隱諱公取一
筐皆街子輩報帖云杜書記平善又

詳揚州夢記

○遙聞李白况在揚州銀壘葡萄雖晚自

然秋憶張曲罷廣陵廣陵曲人不見張在蕭

條楓葉映寒流

當時恩譴異長沙春見唐昌兩度花譚紀

幕府夜來頻問帖言其有玉鞭金勒向誰

家揚是繁戲傲先生解

桐栢江 謂淮水出桐栢山 尚書導淮

自桐栢東會于泗沂東入于海 韓愈

絕句解

三

廿五

董生行序淮水出桐栢山東馳遙遙千里不能休

日邊京世說晉明帝數歲元帝問汝意謂長安何如日遠答曰日遠不聞人從日邊來明日集群臣宴會更重問之乃答曰日近舉目見日不見長安李

白詩孤帆一片日邊來萬戶清霜夜搗衣蓋迫冬有官限意

幕職書言故事幕職類有幕下上客

滕王高閣在江西江西名勝志南昌府云滕王閣在章江廣潤二門之間唐顯慶四年滕王元嬰都督洪州營建此閣迨落成而滕王之封適至因以名之後有閣伯真來督其婿吳子章能文令宿構閣序因九日宴僚屬欲出誇之先是龍門王勃往交趾省親舟次馬當山

去南昌七百餘里神見夢焉且許助風
及明而至遂得預宴閣徧請諸賓客為
序皆辭謝至勃不辭而賦一座驚伏有
序併詩王勃詩滕王高閣臨江渚佩
玉鳴鑾罷歌舞

子安王勃字宋祁唐書王勃字子安
絳州龍門人六歲善文辭九歲得顏師
古註漢書讀之作指瑕以擿其失

東湖湖名百花洲洲名江西名

勝志南昌府新建縣云東湖北崖為百
花洲二句如畫

○宮袍宮樣袍也與如畫景相映李白
著宮錦袍坐舟中

襄陽山簡事見蒙求山簡倒載註

紫薇省中書通典唐武德三年復中
書省龍朔二年改為西臺光宅元年改

為鳳閣開元元年改為紫薇省

鳥皮几 杜詩語 杜甫詩錦官城西生

事微鳥皮几在還思歸 又鳥几重重

縛鶉衣寸寸針邵憲曰鳥皮以鳥皮縛

几至陋之物

西山 見勃滕王閣詩中 王勃詩畫棟

朝飛南浦雲朱簾暮捲西山雨 大明

一統志江西南昌府云西山在府城西

大江之外三十里一名厭原山又名南

昌山

暮春衣 曾點 童子五六人冠者六七

人 論語曾點曰暮春者春服既成冠者

五六人童子六七人浴乎沂風乎無雲

詠而歸

彭蠡雁 在江西 大明一統志江西南

康府云彭蠡湖在府東南一名宮亭一

名揚瀾左里一名鄱陽濶四十里長三百里巨浸瀾漫中有雁泊小湖西接南昌東抵饒州北流入于江禹貢東匯澤為彭蠡是也

○香鑪峰畔紫煙生。李白詩日照香爐生紫煙。大明一統志江西南昌府云香爐峰在府城東四十里其狀如爐時雨將作煙霧滃然

鍗柱觀頭雷雨明 江西所有 江西名

七五三八神中天皇中夏之征師上之月向日
 七代古代人... 五五三ハ是リ甲也
 ○生後ノ坂半方多ク... 武成ノ石不
 其云ハ其若方知リ日本ニ神ノ初シ... 也
 ○三泰三廻ハ半泰ハ聖徳寺クシト云フ
 一表ニ類ハ聖徳寺ノ人ト云フ也
 〇三毛也
 〇三毛也
 〇三毛也
 〇三毛也

南湮沒已久一在子城南井中柱出井

故子 旌陽 蛇為 三五 游興 雙嶺

名揚瀾左里一名鄱陽濶四十里長三百里巨浸瀰漫中有雁泊小湖西接南昌東抵饒州北流入于江禹貢東匯澤為彭蠡是也

○香鑪峰畔紫煙生。李白詩日照香爐生紫煙。大明一統志江西南昌府云香爐峰在府城東四十里其狀如爐時雨將作煙霧潏然

鐵柱觀頭雷雨明 江西所有 江西名

勝志南昌府新建縣云鐵柱宮在故子城南今廣潤門之左晉時建以祀旌陽令許真君遜者永嘉末年海昏大蛇為妖斷道真君許敬之用正一斬邪三五飛步之術追殲之長沙復懼遺孽游與冶鐵為柱二壓其窟宅一在西山雙嶺南湮沒已久一在子城南井中柱出井

外僅尺下施八索謂鈎鎖地脉云唐咸
通六年賜額鐵柱觀節度使嚴譔來郡
發柱觀之未及咫尺烈風雷雨江水暴
溢旋恐而止相傳真君遺讖云鐵柱鎮
洪州萬年永不休八索鈎地脉一泓通
江流天下大亂此地無憂天下大旱此
地薄收其井在宮左云與江水相為消
長

麻姑仙人數相過江右故事所謂近
得麻姑書信否潯陽江上不通潮顧况
葉道士山房詩水邊楊柳赤欄橋洞裏
神仙碧玉簫近得麻姑書信否潯陽江
上不通潮顏真卿麻姑壇記引葛稚
川神仙傳云王方平過吳蔡經家因遣
久與麻姑相聞亦莫知麻姑是何神也
言王方平敬報久不行民間今來在此

色門解合皇具片登

二一

想麻姑能暫來有頃信還但聞其言不見所使人曰麻姑再拜不見忽已五百餘年尊卑有序脩敬無塔思念久煩信承在彼登山顛倒而先被記當按行蓬萊今便暫往如是便還即親覲願不即去如此兩時間麻姑來時若先聞人馬聲既至從官當半干方平也麻姑至蔡經亦舉家見之是好女子年十八九許

頂中作髻餘髮垂之至腰其衣有文章而非錦綺光彩耀日不可名皆世所無有也云云大曆三年真卿判撫州按圖經南城縣有麻姑山頂有古壇相傳云麻姑於此得道

吳門 見前吳中下
如好去之好 隋唐佳話衛公始困於貧賤因過華山廟訴於神且請告以位宦

所至出廟門百許步聞後有大聲曰李僕射好去顧不見人後竟至端揆杜甫送張參軍詩好去張公子通家別恨添

○寄聲 漢書趙廣漢謂湖都亭長曰界

上亭長寄聲謝我何以不為致問

湘簾 斑竹 按斑竹圍可刪 斑竹見

前考七絕下斑竹產湘作簾良下

○朱李 見蒙求魏儲南館註

飛流萬尺 用李白詩中語 李白望廬

山瀑布水詩飛流直下三千尺疑是銀

河落半天ルカト ヨリ

閶闔 吳 按閶闔指閶門見前閶門下

烏夜啼 樂府題 禾黍 雉朝飛 樂

府題 樂府古題要解烏夜啼宋臨川王

義慶造也雉朝飛舊說齊宣王時處士

犢沐子所作也。按此借用字面不干

題意兵戈烏夜啼言其騷然禾黍雉朝

飛言荒蕪。毛詩序黍離閔宗周也周

大夫行役至于宗周過故宗廟宮室盡

為禾黍閔周室之顛覆彷徨不忍去而

作是詩也。

臨清方符處士 猶子元煥茂才 列朝

詩集元煥字子文臨清人嘉靖甲午鄉

貢以行草擅名山東 禮記兄弟之子

猶子也。

○石榴花 蓋新曲歌詩名。

小阮 七賢中阮籍猶子咸稱小阮 見

前考五絕

○騎驢 按舉子多騎驢唐任蕃夢遊錄

天寶初有范陽盧子在郡應舉頻年不

第漸窘迫嘗暮乘驢遊行云云 又何

系...
晦據言咸通末執政病舉人僕馬太盛
奏請進士並乘驢鄭光業軀幹偉大或
嘲曰今年赦下盡騎驢短轡長鞦滿九
衢清瘦兒郎猶自可就中愁殺鄭昌圖
梁苑月工新聲蓋亦新曲歌詩
裙掩墨池霜善書羲之事大明一
統志浙江紹興府云墨池在天章寺即
羲之墨池遺跡不甚深廣又嵯縣金庭

觀亦有墨池又河南河南府云墨池
在陝州漢張芝好書所居池水盡黑今
尚存遺蹟羲之與人書漢張芝伯英
臨池學書池水盡黑使人耽之若是未
必後之也世說補羊敬元少便靜默
美言笑善容止父不疑為烏程令王獻
之為吳興太守羊時年十二王甚知愛
之嘗夏月入縣羊著新絹裙晝寢獻之

色...
色...
色...

○飛龍
之乖隔
羽翼之
無從
蘇武詩
何況雙
飛龍羽
翼臨當
乖

糸角才通考

三

二十四

書裙數幅而去羊本工書因此彌善
裙裙同正字通裙渠云切音群說文下
裳也釋名裙連接羣幅也

○棧馬 莊子伯樂曰我善治馬連之以
羈羈編之以阜棧釋文曰編木作櫛似
牀曰棧以禦濕也崔云木棚也

○擊筑 見前考五絕用荆軻事下

○悲歌 見前考五絕

○白虹 史記鄒陽獄中上書昔者荆軻
慕燕丹之義白虹貫日太子畏之

○溥沱 見前

○東吳王生 左思吳都賦東吳王孫鞮
然而吟

○吳鈎 見前考七絕上

○一榻 徐姓事 見蒙求陳蕃下榻註

○桐栢 子相邑 廣輿記河南南陽府云

色句解合遺考登

二十一

桐栢山唐縣上有玉女卧龍翠微蓮華諸峰淮水出其下祖逖嘗避難于此蓋子相時謝病歸讀書百花洲中百花洲亦在河南南陽府

水曾波 層同 楚辭招隱士谿谷蘄巖兮水層波

少文 宗姓 卧遊 世說補宗少文好山水愛遠遊西陟荆巫南登衡嶽因結

宇衡山欲懷尚平之志有疾還江陵歎曰老疾俱至名山恐難徧觀唯當澄懷觀道卧以遊之凡所遊履皆圖之於室謂人曰撫琴動操欲令眾山皆響

○卧遊山色不勝多 蓋羨之辭

○太行 見下 時李刺邢州

○刺史褰衣 見蒙求賈琮褰帷註

○紫氣 史記註列異傳曰老子西游關

令尹喜望見其有紫氣浮關而老子果乘青牛而過按此因姓用

○薊門烟 時公在北京

北斗下卓 本事詩李白戲杜曰飯顆山

頭逢杜甫頭戴笠子日卓午

○長安一片地 猶言一彈丸地

○文都昌 按都昌縣在江西省南康府

文為其令

○贈白雲 陶弘景事見前考五絕

大庾峰 仙尉 梅福事 潛確類書大

庾嶺在南雄府城北漢武擊南粵楊僕

遣部將庾勝屯兵于此因名上多梅又

名梅嶺或云梅福隱此 梅福事見前

考七絕上

折梅花 陸凱寄范曄梅花詩折梅逢驛

使寄與隴頭人江南無所有聊贈一枝

絕句解拾遺考證

三

二

春

讞獄三輔 見前

濁漳 水名 北直隸名勝志順德府平

鄉縣云濁漳河在縣西南十里流入南

和縣界又八里為落漠河古薄津也本

沿河之分派與南和滏陽河合流入大

陸澤

大麓 山名 風雨 按一統志順德府

無大麓山註山名二字可刪 尚書舜

典納于大麓烈風雷雨弗迷 按言二

子來遊故水不安流風雨愁

關氣象 公贈子與詩自是別離關氣象

金河 在燕 大明一統志順天府云金

泉河在薊州城北

○白日低 俠客 虹 氣象慘淡暗含

荆軻事皆已見前考五絕

系在角才之文之說
○榆關 北直隸名勝志永平府撫寧縣
云榆關在縣東二十里隋開皇中漢王
諒將兵伐高麗出榆關卽此一名臨閭
關國初魏國公徐達始移今所因改名
曰山海關其北爲山其南爲海相距不
數里許四塞險固邊郡之咽喉京師之
門戶也其海東連遼左西抵直沽陸地
西北與奚接正北與契丹接畛室韋靺

鞞諸部並在東北遠者六千里近者二
千餘里有山海衛在城內

飛雪捲燕山 李白北風行詩燕山雪花
大如席

○白雲寒鎖郡齋深 李在京故

股肱 季布事 史記季布傳孝文時人
有言其賢者孝文召欲以爲御史大夫
復有言其勇使酒難近至留邸一月見

色可得合貫考登

三

二十一

罷季布因進曰臣無功竊寵待罪河東
陛下無故召臣此人必有以臣欺陛下
者今臣至無所受事罷去此人必有以
毀臣者夫陛下以一人之譽而召臣一
人之毀而去臣臣恐天下有識聞之有
以闕陛下也上默慙良久曰河東吾股
肱郡故時名君耳布辭之官

賜黃金 漢故事言不遷見蒙求黃霸政

殊註

石門 沙丘臺 俱在邢州 大明一統

志順德府云石門山在邢臺縣 又沙

丘臺在平鄉縣東北二十里

○紫馬 南史謝靈運守永嘉人曰騎紫

馬者太守也 杜甫詩使君騎紫馬

紫馬紫騮馬也

○春停 北風不到 按春字已含下句

絕句解合遺考登

三

三十一

意北風不到謂總無虐政

○隋珠 見前考七絕上

○並馬中原 按不是一處並馬也公與于鱗各自在路而謂並馬中原猶云千里比肩 晉書載記石勒曰朕若逢高皇當北面而事之朕遇光武當並驅于中原

太行在邢州 河南名勝志懷慶府河內

縣云按太行山在縣北二十五里述征記曰太行山首始于河內北至幽州凡百嶺連亘十三州之界 大明一統志順德府建置沿革云唐金為邢州 又形勝云太行雄鎮於西北漳水滌流於東南 此詩有戮力扶持斯文意 口占 漢書陳遵馮几口占書史師古曰口占隱度也口隱其辭以授吏也

○香為車 盧昭隣詩青牛白馬七香車
用樂府詩 見前考五絕羅敷曲下言姓
名素著

○西去買娉婷 關中在西 喬知之綠

珠篇詩石家金谷重新聲明珠十斛買

娉婷 杜甫詩不嫁惜娉婷 娉婷美

好貌

○祓禊 韻語陽秋上巳於流水洗祓除

去宿垢謂之祓禊 風俗通按周禮女

巫掌歲時祓除疾病禊者潔也故於水

上盥潔之

麗人行 杜甫麗人行詩三月三日天氣

新長安水邊多麗人

鎮朔 將軍 大明會典凡天下要害地

方皆設官統兵鎮戍其總鎮一方者曰

鎮守守一路者曰分守獨守一堡一城

者曰守備與主將同守一城者曰協守
宣府鎮守一員鎮朔將軍總兵官協守
一員副總兵

古涼州 曲名 見下

○玳瑁 南州異物志玳瑁如龜生南方
海中大者如蘆條背上有鱗其大如扇
發取其鱗因見其文欲取作器則煮之
因以刀截任意所作冷乃以梟魚皮錯

治之後以枯木葉瑩之乃有光耀 按
玳瑁器飾也

太白 旗 史記武王以黃鉞斬紂頭縣
太白之旗

郅支單于頭 漢書呼韓邪單于兄左賢
王呼屠吾斯自立為郅支骨都侯單于
又陳湯上疏曰出百死入絕域遂踏
康居屠五重城塞歛侯之旗斬郅支之

首縣旌於萬里之外揚威昆山之西
言何不舉杯先慶

○白龍堆

漢書揚雄上書曰豈為康居

烏孫能踰白龍堆而冠西邊哉孟康曰

龍堆形如土龍身無頭有尾高大者二

三丈埤者丈餘皆東北向相似也在西

域中

秘謀奇策

按此詩用狄青事氏族大全

狄青字漢臣風骨奇偉善騎射宋仁宗

朝西夏叛公為延州指使每戰飾以銅

面具敵望之如神儂知高叛公以樞密

山中何所有嶺上多白雲但可
自怡悅不堪持寄君

沉勇有智略必能辦賊青至賓州值上

元大張燈燭宴將佐酒行稱疾暫起使

孫元規主席數使人勸勞比曉俄有軍

首縣旌於萬里之外揚威昆山之西
言何不舉杯先慶

○白龍堆

漢書揚雄上書曰豈為康居

烏孫能踰白龍堆而冠西邊哉孟康曰

龍堆形如土龍身無頭有尾高大者二

三丈埤者丈餘皆東北向相似也在西

域中

祕謀奇策

按此詩用狄青事氏族大全

狄青字漢臣風骨奇偉善騎射宋仁宗

朝西夏叛公為延州指使每戰飾以銅

面具敵望之如神儂知高叛公以樞密

副使為宣徽南院使荆湖宣撫使討之

宰相龐籍謂上曰青在鄜延居臣麾下

沉勇有智略必能辦賊青至賓州值上

元大張燈燭宴將佐酒行稱疾暫起使

孫元規主席數使人勸勞比曉俄有軍

候至曰宣徽傳語諸官請過關會食方知微服已奪崑崙關矣進遇賊於歸仁鋪青登高丘以五色旗麾騎兵為左右翼旋而擊之大敗之捷書至上謂龐籍曰卿之功也

胡纓 馬飾 莊子曼胡之纓釋文謂麕

纓無文理也

下雙鷗 按一箭穿雙鷗也杜甫詩翻身

向天仰射雲一箭正墮雙飛翼

渾邪王 即降者 能騎射 史記渾邪

王殺休屠王并將其眾降漢 又中行

說曰匈奴之俗其急則人習騎射寬則

人樂無事

○新帥 按蓋新補故曰新帥

霍嫖姚 漢書霍去病年十八為侍中善

騎射再從大將軍大將軍受詔予壯士

為票姚校尉師古曰票姚勁疾之貌也
 過懷來城羅將軍駐兵潛確類書宣府
 鎮凡城二曰順聖川西順聖川東鎮衛
 一十有五曰宣府左曰宣府右曰永寧
 曰隆慶左曰隆慶右曰懷來曰保安新
 城曰隆慶州曰蔚州曰萬全左曰萬全
 右曰懷安曰開平曰龍門屬所三保二
 十九欽差巡撫地方都御史一鎮朔將

軍鎮守總兵一協守副總兵一參將五
分守東路一駐懷安西路一駐萬全右
南路一駐順城北路一駐獨石中路一
駐葛峪指揮三遊擊將軍二武備志宣
 府守備三十一員中有懷來城
 ○龍堆 見前
 突騎 出師表 按出師表無突騎字有
 突將無前漢書鼂錯傳輕車突騎師
 古曰突騎言其驍銳可用衝突敵人也

○射雕 史記匈奴大入上郡天子使中

貴人從廣匈奴三人射傷中貴人中貴

人走廣廣曰是必射雕者也 雕鷗同

古偽川 卽懷來 唐書地理志偽州媯

川郡本北燕州武德七年平高開道以

幽州之懷戎置

○苜蓿 史記宛馬嗜苜蓿漢使取其實

來於是天子始種苜蓿

王庭能絕漠 車騎勒燕然 後漢書南

單于請兵北伐乃拜竇憲車騎將軍以

執金吾耿秉爲副與北單于戰於稽落

山大破之虜眾崩潰單于遁走追擊諸

部遂臨私渠北鞬海斬名王以下萬三

千級獲生口牛羊橐駝百餘萬頭憲秉

遂登燕然山去塞三千餘里刻石勒功

紀漢威德令班固作銘銘曰遂陵高關

下鷄鹿經磧鹵絕大漠史記匈奴遠

遁而幕南無王庭王庭單于所都

紫荊關北直隸名勝志保定府易州云

按子莊關即今紫荊關也宋嘉定五年

蒙古主攻金居庸關不克乃以兵趨

紫荊關敗金兵于五回嶺紫荊關之名

始見于此關上多產紫荊樹崖壁峭矗

狀如列屏州之巨鎮也潛確類書紫

荊關隸保定都督

○牙旗藝文類聚兵書曰牙旗者將軍

之精凡始豎牙必以剛日剛日者謂上

剋下也立牙之日吉氣來應大勝之徵

并刀見前考七絕上

○龍雀環拾遺記赫連勃勃造剛刀為

龍雀大環號大夏龍雀琅邪代醉編

劉原甫博物多聞前世無及在長安日

有得古鐵刃以獻製作極巧下為大環以纏龍為之而其首類鳥人莫能識原甫曰此赫連勃勃所鑄龍雀刀所謂大夏龍雀者也鳥首蓋雀云問乃為种世衡築青澗城掘地所得正夏故疆也

○十二體 三四五七言古詩五七言律五七言排律五七言絕六言律絕于鱗元美並賦十二體各見于集

○豫讓橋 見前考七絕上

○挂冠 見蒙求逢萌挂冠註

指掌 論語或問禘之說子曰不知也知其說者之於天下也其如示諸斯手指其掌

○乘槎諸漢使 荆楚歲時記漢武帝令張騫使大夏尋河源乘槎經月而至一處見城郭如官府室內有一女織又見

一丈夫牽牛飲河，騫問云：此是何處？答曰：可問嚴君平。

○謫仙才 見前 一二句共是氣象，不得，不想起李白。

○兩重天意 李涉遊水月臺詩：平流白日無人愛，橋上閑行只自知。水似晴天，天似水。兩重星點，碧琉璃。

平城 地名 地抔塞上 見前考七絕上

白登臺下時公過此

○雪 見前

紫駝酥 七子詩集公寄子承中丞詩：最是醜酥爭捧處，不妨飛捷醉吟題。註：醜酥，酒也。按彼詩，醜亦本集作駝。駝醜音全同。康熙字典，酥字註孫祖切，音蘇。玉篇：酪也。韻會：酪屬牛羊乳爲之。牛酥，差勝臞仙神隱書造法：以乳入釜煎二

三沸傾入盆內冷定待面結皮取皮再煎油出去滓入鍋內即成酥油北方名馬思哥潛確類書醍醐下云從乳出酪從酪出酥從生酥出熟酥從熟酥出醍醐

時謫江西幕 名山藏明卿謫江西按察知事 幕屬官

匡廬江西 見前考五絕廬山下

李白在潯陽 江西 見前 按李在潯

陽亦被罪

○紫斗色 龍劍 見蒙求雷煥送劍註

按天河有迴轉形故曰紫

琅玕 言竹 王貞白洗竹詩有時記得

三天事自向琅玕節下書

箇箇春雲秀可餐 陸機詩鮮膚一何潤

秀色若可餐 箇箇數竹語春雲况竹

葉

王猷君更熟 問主人 世說王子猷嘗

行過吳中見一士大夫家極有好竹主
已知子猷當往乃灑掃施設在廳事坐
相待王肩輿徑造竹下諷嘯良久主已
失望猶冀還當通遂直欲出門主人大
不堪便令左右閉門不聽王更以此賞
主人乃留坐盡歡而去 按孰面熟也

二句言王猷看竹不過主人此自素不
相識者耳我素相熟則一問主人亦何
妨也

○鬪兵稀 鬪兵如言兵事一云句言兵
不習戰胡馬秋肥此似可愁

○金微 大明一統志外夷韃靼云金微
山去塞可五千餘里竇憲遣兵大破北
匈奴於此自漢出師未嘗至此

匈奴候月 史記匈奴舉事而候星月月盛壯則攻戰月虧則退兵

醫無閭 漢書地理志幽州其山醫無閭師古曰在遼東 山與雲齊壘可俯眺

○鮮卑敬馬白馬 後漢書鮮卑者東胡之支也別依鮮卑山故因號焉其言語習俗與烏桓同唯婚姻先髡頭以季春月大會於饒樂水上飲讌畢然後配合

又公孫瓚除遼東屬國長史嘗從數十騎出行塞下卒逢鮮卑數百騎瓚乃退入空亭約其從者曰今不奔之則死盡矣乃自持兩刃矛馳出衝賊殺傷數十人瓚左右亦亡其半 白馬見前考七絕上白馬下

○安西 唐書地理志安西大都護府初治西州顯慶二年平賀魯析其地置濛

池崑陵二都護府分種落列置州縣西
盡波斯國皆隸安西云云

絳帳紗馬融事 見前考七絕下馬融

女樂事下

○萬馬空伯樂 韓愈送溫處士赴河陽

軍序伯樂一過冀北之野而馬群遂空
夫冀北馬多天下伯樂雖善知馬安能
空其群耶解之者曰吾所謂空非無馬

也無良馬也伯樂知馬遇其良輒取之
群無留良焉苟無良雖謂無馬不為虛
語矣

屈田巴 稷下事 史記正義引魯連子

曰齊辯士田巴服狙丘議稷下毀五帝

罪三王服五伯離堅白合同異一日服

千人 史記田敬仲世家宣王喜文學

遊說之士自如騶衍淳于髡田駢接子

絕句... 史記正義

慎到環淵之徒七十六人皆賜列第為
上大夫不治而議論是以齊稷下學士
復盛且數百千人

東嚮坐諸生田周勃事 見蒙求周勃織

薄註

倡雪詩 事見前考七絕上白雪下 按

倡字自和字來

懸河談 世說補王長史問孫興公郭子

玄定何如孫曰詞致清雅奕奕有餘吐
章陳文如懸河瀉水注而不竭

○組練 左氏傳楚子重伐吳為簡之師

使鄧廖帥組甲三百被練三千杜預註

組甲被練皆戰備也組甲漆甲成組文

被練練袍 文選謝朓詩北拒溺駮鏹

西龕收組練

○流金戈 以流飾戈也字彙流金美金

○霜一色 甲戈皆白

五家兵 國語管子制國五家為軌軌為之長十軌為里里有司四里為連連為之長十連為鄉鄉有良人焉以為軍令五家為軌故五人為伍軌長帥之十軌為里故五十人為小戎里有司帥之四里為連故二百人為卒連長帥之十連為鄉故二千人為旅鄉良人帥之五鄉

一帥故萬人為一軍五鄉之帥帥之云

云

豫章 明江西省南昌府饒州府南康府

九江府建昌府撫州府臨江府瑞州府

贛州府南安府地漢皆屬豫章郡

鈞天 帝居 史記趙簡子疾五日不知

久寤語大夫曰我之帝所甚樂與百神遊於鈞天廣樂九奏萬舞不類三代之

樂其聲動人心

○府公誇束帶 言府公自誇吳使束帶

拜已也 晉書陶潛素簡貴不私事上

官郡遣督郵至縣吏白應束帶見之潛

歎曰吾不能為五斗米折腰拳拳事鄉

里小人邪即解印綬去縣

攜妻子 後漢書龐公攜其妻子登鹿門

山因采藥不反

○越王山 福建名勝志建寧府浦城縣

云按今縣治東隅有越王山自橫嶺蜿

蜒而來其勢獨高於眾山相傳越王築

臺于此俯瞰大江遺址尚存

七閩 見前考七絕上

釣鰲鉤 列子龍伯之國有大人舉足不

盈數步而暨五山之所一釣而連六鰲

○武平之山 福建汀州府有武平縣子

與為汀州知府

○武夷 見前考七絕上

汀江如巴學字移 丁水如丁字 福建

名勝志汀州府云舊志云汀水自北發

源至州境而東遂南流入海是天下之

水皆東惟汀水獨南南丁位也以水合

丁於文為汀故以名水 按汀字義與

此詩異 四川名勝志巴州云巴江源

丁水如丁字恐
非汀江如巴云
云者蓋汀水
如巴字也

宋之問送田道

士使蜀投詠

詩有蜀山峰

勢斷巴字永

形連句可考

出大巴山至當州東南分為三流而中

央橫貫勢若巴字 唐李遠詩杜宇喚

名哭巴江學字流

人傑故地靈 王勃宴滕王閣詩序人傑

地靈徐孺下陳蕃之榻

謝公 安石 大明一統志福建汀州府

云謝公樓在府治南唐張九齡詩謝公

樓上好醇酒二百青蚨買一斗紅泥乍

擘綠蟻浮玉盃纔傾黃密剖按安石無詩名恐謝靈運或謝眺比子與也

俞仲蔚 允文見前考七絕下

卧游 善畫 宗少文事見前言病後雖

不游而畫圖中青山有餘也

○開門草色迷徑 見蒙求仲蔚蓬蒿

蔣詡三逕註言蓬蒿滿何必閉門因字

干旄 詩經 毛詩子子干旄在浚之郊

毛萇曰注旄於干首大夫之旄也

○李伯承 見前考七絕上

○漢帝秋風 漢武帝有秋風辭

○栢梁 見前考七絕下

○一時詞賦有輝光 時天子好詩唯用

嚴嵩輩

文園令 見前考七絕下

金莖露 見前考七絕上

盧次榘 榘 王世貞盧榘傳盧榘字少

榘一字子木大名濬人也少負才敏甚

讀書一再過終身不忘為人踞弛不問

治生產時時從倡家遊大飲飲醉輒弄

酒罵其坐客王世貞治獄大名飛書大

任山中勒邑吏具筆札受榘所著集若

干卷

○大任山 北直隸名勝志大名府濬縣

云地理志云東黎即大任山禹貢導河

至于大任者也亦名青壇山

囊中賣賦錢 王世貞盧榘傳榘上賦趙

王立召見賜金百鎰於是諸王更置邸

延榘榘則稱客坐右坐鳴毫颯颯儵忽

而為辭若賦既酒醉故態畢發罵其坐

人榘竟亦不自得罷還顧橐中所餘金

幾何趣付酒家也嬾囁嚅咎榘不顧曰

天生盧神為女曹地耶 言囊中賣賦
錢本擬買酒而不知妻子輩有何緊要
事頻頻乞取也蓋淵明三百畝種秫意

魏順甫裳 見前考七絕上

白雲高省 見前考七絕上西省白雲下

莫怪相聞云云 按楚調聲悲秋風亦悲
意自字有非他人故意

○余德甫 見前考七絕上

平津 見蒙求漢相東閣註

流水 見蒙求伯牙絕絃註此句言入公
詩派也

抱竽 韓愈答陳商書齊王好竽有求仕
於齊者操瑟而往立王之門三年不得
入叱曰吾瑟鼓之能使鬼神上下吾鼓
瑟合軒轅氏之律呂客罵之曰王好竽
而子鼓瑟瑟雖工如王不好何是所謂

工於瑟而不工於求齊也

○張肖甫 見前考七絕上

○太白 見前考七絕下浮白下

流霞酒 潛確類書抱朴子碩曼卿入

山學仙自言仙人迎我升天以流霞一

杯與我飲輒不饑渴流霞天酒名李詩攜觴

酌流霞一二句追想別時也

○相如歸使 見蒙求相如題柱註相如

蜀人使蜀故云歸使張亦蜀人使蜀蜀

人多傳其詩派

陽春白雪 見前考七絕上

三巴 潛確類書三巴中巴巴縣屬渝州

巴西 綿州巴東歸州夔州魚復雲安等

處即古巴子國

嵇生嬾 絕交書 文選嵇康與山巨源

絕交書性復踈嬾筋駑肉緩頭面常一

月十五日不洗不大悶癢不能沐也每
 常小便而忍不起令胞中略轉乃起耳
 鳴鏑破垂楊 養由基事 金城一葉霜
 言秋也匈奴秋強 史記冒頓作為鳴
 鏑習勒其騎射註漢書音義曰鏑箭也
 如今鳴射也韋昭曰矢鏑飛則鳴 戰
 國策楚有養由基者善射去柳葉者百
 步而射之百發百中 陝西名勝志臨

洮府蘭州云金城漢郡即允吾城也在
 州西南五十里 世說桓公北征經金
 城見前為琅邪時種柳皆已十圍慨然
 曰木猶如此人何以堪攀枝執條然
 流淚 淮南子一葉落而天下知秋
 漢書匈奴至秋馬肥可勁則入塞
 ○飲飛 漢書募飲飛射士服虔曰周時
 渡江越人在船下負船將覆之飲飛入

水殺之漢因以材力名官如淳曰呂氏
春秋荆有茲非得寶劍於干將度江中
流兩蛟繞舟茲非拔寶劍赴江刺兩蛟
殺之荆王聞之任以執圭後世以為勇
力之官茲飲音相近師古曰取力
人以名官亦因取其便利輕疾若飛故
號飲飛

左賢王 匈奴王子 見前考七絕上

天目山 千尺飛流 浙江名勝志臨安

縣云圖經天目山在縣西五十里高三
千九百丈周迴八百里洞玄集為三十
四洞天天目有兩峯峯頂各一
相對如目左屬臨安右屬於潛東西二
瀑布瀆注名蛟龍池又有上中下三池
池上有潭如仰箕曰箕潭

奉使相如 見蒙求相如題柱註

○秋興屬盧柟來詩必及盧事

○攀轅見蒙求秦彭攀轅註

河干見前考七絕下

蜀道難曲名樂府解題蜀道難備言

銅梁玉壘之阻

○京兆按前漢張敞為京兆尹此疑因

姓

惠文冠後漢輿服志法冠一曰柱後獨斷

曰柱後高五寸以纚為展鐵柱卷執法

者服之侍御史廷尉正平也或謂之獬

豸冠

○五馬見前考五絕

張衡作歸田賦一見文選

馴雉魯恭事見蒙求魯恭馴雉註

子午山在慶陽大明一統志陝西慶

陽府云子午山在合水縣東五十里一

名橋山南連耀州北抵鹽州東接延安
綿互八百餘里

嚮杜鵑 歸思 潛確類書韓退之詩喚

起窻全曙催歸日未西喚起鳥名聲如

偏于春曉鳴江南云春喚催歸即子規也亦云姪歸賈誼未娶而聞此

此物傷人要歸故曰催歸康伯可杜鵑詞鎮日叮嚀

千百遍只將一句頻頻說道不如歸去

不如歸去傷情切 嚮嚮音通

樵嵐山 樵川 大明一統志福建邵武

府云樵溪在府城內源出城西樵嵐山

東流至城內逶迤九曲出北門入紫雲

溪宋蘇為樵川即景詩愛重八登

臨高下樓樹紅雲白處寒瀨泊漁舟

○竹馬 見蒙求郭伋竹馬註 此詩雲

欲飛有喜意竹馬言送迎太守謂吳為

邵武知府拜恩歸吳蓋上計赴京必應

拜恩賞歸

仙池 鳳皇 荀勗事 見蒙求荀勗音

律註

長孺薄淮陽 見前考七絕上長孺卧淮

陽及卧理下

○壓載石 唐書陸龜蒙傳陸氏在姑蘇其門有巨石遠祖績嘗事吳為鬱林太守罷歸無裝舟輕不可越海取石為重

人稱其廉號鬱林石世傳其居云

青雀舟 王隱晉書陶侃擊蜀賊王真真

拘得侃青雀舟 潛確類書青雀梁元

帝船名詩天際浮雲飛三翼自相追池

邊白鵠舞林深青雀歸白鵠青雀俱舟名

橐垂 國語諸侯之使垂橐而入細載而

歸韋昭曰垂言空而來也 按戶部掌

財賦最欲清廉

南岷山

子虞鄉邑山

四川名勝志順

慶府西克縣云南岷山有九井十三峯

漢何岷之所隱也隨程太虛修煉于此

公又有南岷山歌為御史大夫南充

王公作詩曰君不見古皇鴻濛時參井

星精夜墮地化為南岷山山高八千丈

力奠金維控西裔芙蓉片片青霞壘中

含太始以來雪九井遙吞灌口烟三峰

倒映峨眉月騫飛鳳儀蜿蜒回龍傍山名

星斗夕虧風雷晝封挺孤碧之峭削鬱

群蒼以巖從下有寒泉漱芳玉誰云出

山今泉濁瀉作嘉陵江水聲日夜潺湲

映天綠山人少時此山居薜蘿裳壁雲

儲胥時吟蜀肆君平易不著臨邛司馬

書北山無猿鶴東山有蒼生以茲拂衣

出聊作應世行為雨為雲潤七澤屹然

豈負茲山色，麟閣今標如。礪功龍門復，
表面瀾力南岷山。何足擬從茲，以西二
十四萬里。崑崙中，天作天柱，山人之名
亦如此。

霖雨遍人間，尚書若歲大旱用。汝作霖
雨，公羊傳觸石而出，膚寸而合，不崇
朝而遍雨乎天下者，唯太山爾。

○吳子充按：吳蓋楚人，與公相逢北京。

桂月潛確類書虞喜安天論俗傳月

中仙人桂樹，今見其初生。見仙人之足，
漸已成形。桂樹後生焉。李白朗月行，仙
人垂兩足，桂樹作團團。白兔擣藥成，問
言誰與餐。

桑乾賈島詩意賈島度桑乾詩客舍

并州已十霜，歸心日夜憶。咸陽無端更
渡桑乾水，却望并州是故鄉。大明一

統志京師保安州云桑乾河在州城西
南四十里

身州七絕解者證上

中山人卦... 入... 林... 園... 白... 鬱... 樂... 河... 間... 陽... 之... 州... 林... 林... 節... 主... 李... 日... 月... 山... 中... 山... 人... 卦... 林... 林... 見... 日... 入... 公... 林... 林... 見... 日... 入... 公...

